

TARIKH : 9 MAC 2023
AKHBAR : SINAR HARIAN
MUKA SURAT : 19

Rafizi beri 'ubat' rawat ekonomi negara

Rafizi beri 'ubat' rawat ekonomi negara

Kementerian Ekonomi fokus tiga perkara utama baiki punca masalah ekonomi Malaysia

Oleh NAZRIN ZULKAFLI dan DIANA AZIS
KUALA LUMPUR

Tiga fokus utama dilaksanakan Kementerian Ekonomi untuk menyelesaikan dan memperbaiki punca kepada masalah ekonomi negara.

Menteri Ekonomi, Rafizi Ramli berkata, sekiranya punca itu dapat diselesaikan dengan baik, ia merupakan 'ubat' yang mampu membaiki ekonomi

Malaysia.

Menurutnya, antara fokusnya adalah tata kelola ekonomi yang lebih baik seperti melawan gejala rasuah.

"Sebab itu keputusan Ahli Parlimen Tambun yang dikatakan Ahli Parlimen Putrajaya bukan *game changer*, itulah ubatnya. Kalau perketatkan tata kelola, sudah pasti sumber kewangan dapat disalurkan kepada projek-projek rakyat.

"Kedua, berbelanja dengan berhemah dengan mengurangkan keperluan berhutang. Apabila kurang berhutang dan dapat jalankan projek rakyat dengan baik, itu akan memberi faktor kepada tata kelola yang ketiga.

"Ia adalah memberi ruang fiskal kepada kerajaan untuk beri bantuan terus kepada rakyat terutama golongan me-



RAFIZI

merlukan seperti B40 dan miskin tegar," katanya dalam sesi penggugungan Belanjawan 2023 di Dewan Rakyat pada Rabu.

Menurut beliau, antara faktor menyebabkan ekonomi negara bermasalah ialah perbelanjaan kerajaan lepas yang tidak berhemah, gelojoh berhutang sehingga mencecah RM1.5 trilion.

Tambahnya, faktor lain adalah mengambil jalan mudah untuk menggunakan wang Petroliaam Nasional Bhd (Petronas) pada setiap tahun, pelaksanaan tergendala atau tergelincir daripada yang dirancang serta ketirisan dan penyelewengan dana rakyat.

"Akibatnya, sumber kerajaan yang sepatutnya digunakan untuk membaiki keadaan ekonomi negara tidak dapat disalurkan," jelasnya.